

# Odelette à son bouquet

Mon petit Bouquet mon mignon,  
Qui m'es plus fidel' compaignon  
Qu'Oreste ne fut à Pilade,  
Tout le jour quand je suis malade  
Mes valets qui pour leur devoir  
Le soing de moy debvroient avoir,  
Vont à leur plesir par la vile,  
Et ma vieille garde inutile,  
Aptes avoir largement beu,  
Yvre, s'endort aupres du feu,  
A l'heure qu' el' me devroit dire  
Des contes pour me faire rire.  
Mais toi petit bouquet, mais toy  
Ayant pitié de mon esmoy  
Jamais le jour tu ne me laisses  
Seul compaignon de mes tristesses.  
Que ne pui-je autant que les dieux ?  
Je t'envoyroi là haut aux cieux  
Fait d'un bouquet un astre insigne,  
Et te mettrois aupres du Signe  
Que Bacus dans le ciel posa  
Quand Ariadne il espousa,  
Qui se lamentoit, delessée  
Au bord desert par son Thesée.

Pierre de Ronsard (1524–1585)